



BASES REGULADORAS DA PARTICIPACIÓN NO MERCADO MARIÑEIRO SADA, FESTAS DO CARME 2023

1.- Obxecto

O Concello de Sada organiza unha nova edición das tradicionais Festas do Carme. A comunidade sadense ten un pasado totalmente ligado ao mar e á pesca. É por iso que as Festas do Carme son, sen dúbida, unha das datas máis destacadas do calendario de festexos que emanan da cultura popular.

As celebracións populares teñen un compoñente dinamizador da economía local, xunto cun potencial de atracción de visitantes. Isto supón unha oportunidade para reactivar a economía local. Este compoñente aporta un valor económico á celebración, que debe poder ser aproveitado dende unha visión de reactivación económica.

Os concellos teñen entre as súas competencias a da organización e xestión de feiras, abastos, mercados, lonxas e comercio ambulante, segundo se recolle na Lei 7/1985, de 2 de abril, Reguladora de las Bases do Réxime Local. Con base nesta competencia e tamén nos obxectivos relacionados coa promoción cultural e económica a nivel local, a Concellería de Cultura propón celebrar unha nova edición do Mercado Mariñeiro.

O sector da artesanía ten un especial porque presenta ao mesmo tempo un carácter artístico, creativo e utilitario. Os obxectos feitos a man poñen a arte ao servizo da funcionalidade e son toda unha expresión cultural. Por medio desta proposta queremos destacar o valor cultural e artístico do oficio artesán, xunto co interese público que eles mesmos suscitan e apoialo a través dunha acción de fomento.

Por todo isto, o obxecto das bases que agora se presentan é o de establecer as condicións e o procedemento de outorgamento de autorizacións para a ocupación de terreos de uso público para organizar un mercado de artesanía de temática mariñeira dentro no marco das Festas do Carme 2023 en Sada, a celebrar nas datas do 15 e 16 de xullo.

O mercado instalarase no Paseo Marítimo de Sada, á altura da zona portuaria, entre o edificio da Axudantía de Marina e a zona de finalización do carril bici.

2.- Normativa de aplicación

- Ordenanza núm. 16 reguladora da taxa por instalación de postos, barracas, casetas de venda, espectáculos ou atraccións situadas en terreo de uso público, industrias da rúa e ambulantes e rodaxes cinematográficos.
- Lei 33/2003 de 3 de novembro, do Patrimonio das Administracións Públicas.
- Lei 13/2010, de 17 de decembro, do comercio interior de Galicia.
- Lei 7/1985, de 2 de abril, reguladora das Bases do Réxime Local.
- Lei 39/2015, de 1 de outubro, do Procedemento Administrativo Común das Administracións Públicas.

3.- Solicitantes

De conformidade co artigo 72 da Lei 13/2010 de comercio interior de Galicia, as persoas solicitantes deberán cumprir os requisitos que establezan os municipios para a súa autorización. Neste caso deberán cumprirse os seguintes:



- Dedicarse ao sector da artesanía en calquera das súas posibles manifestacións, realizando a man os produtos que as solicitantes poñan á venda. Tamén poden presentarse postos de venda doutros produtos, de reventa de artesanía ou de venta de segunda man.
- Estar dado ou dada de alta no réxime correspondente da Seguridade Social, e nun epígrafe do Imposto de Actividades Económicas compatible coa artesanía.
- Cumprir cos requisitos das regulamentacións de cada tipo de produtos.
- Dispor de seguro de responsabilidade civil.
- Dispor dunha carpa ou posto de venta decorado e ambientado para recrear a temática mariñeira.

A concellería de Cultura será a encargada de comprobar as solicitudes e documentación recibidas.

O Mercado Mariñeiro non se celebrará se non conta cun mínimo de 10 solicitudes.

A dimensión máxima do frontal das carpas será de 3 m. lineais. Segundo o espazo dispoñible, prevese unha capacidade dun máximo de 30 postos.

4. Selección de participantes

Tendo en conta o punto anterior, no caso de que a organización reciba máis solicitudes correctas que o número de prazas asumibles, aplicará os criterios que se recollen no ANEXO II para establecer unha orde de prelación.

As prazas outorgaranse segundo esa orde ata esgotar os espazos dispoñibles.

5. Solicitudes de participación

- O prazo de presentación das solicitudes será dende a publicación das bases reguladoras ata as 12:00h do venres 14 de xullo de 2023.
- Debido ao pouco tempo que resta ata a celebración do mercado, establécese como medida extraordinaria que o prazo de emenda das solicitudes incompletas será o mesmo que o prazo de presentación. O persoal do departamento de cultura instruirá as solicitudes recibidas e requirirá as que sexa necesario emendar.
- Tramitarase a aprobación das solicitudes recibidas que cumpran todos os requisitos á finalización do prazo de solicitude. As solicitudes incorrectas ou incompletas á finalización do prazo de solicitude serán denegadas.
- As bases reguladoras publicaranse na páxina web municipal (www.sada.gal), contendo o modelo de solicitude, que se achega no Anexo I. Este modelo tamén estará dispoñible para descarga dende a páxina web do Concello de Sada, dende o post que recollerá a información do mercado.
- As persoas interesadas deberán presentar a súa solicitude no Rexistro Xeral do Concello de Sada ou a través dos demais medios que se establecen no artigo 16.4 da Lei 39/2015 de 1 de outubro, do procedemento administrativo común das administracións públicas. As persoas físicas poderán presentar a solicitude de xeito presencial se así o desexan, tal como recolle o artigo 14 da Lei 39/2015. O resto de solicitantes deberán presentar a súa solicitude de xeito telemático a través da sede electrónica (sede.sada.gal).

6.- Documentación a presentar coa solicitude

- DNI
- Certificado de situación censual

- Alta de autónomos/as ou vida laboral, segundo corresponda
- Copia da póliza de seguro de RC e copia do xustificante bancario do pago do último recibo
- Documento que conteña:
 - Descrición da actividade artesá e fotografías dos produtos que se porán á venda
 - Medidas da carpa ou do posto de venda
 - Descrición da proposta de ornamentación de temática mariñeira coa que adornará o posto
 - Descrición de necesidades eléctricas (consumo eléctrico)

7.- Asignación e distribución de espazos

A organización será quen asigne os espazos dispoñibles entre os postos inscritos. A distribución tratará de respectar, na medida do posible, a separación entre produtos iguais ou da mesma natureza. Poderá convocar unha reunión coas persoas participantes ou facer consultas para acordar a distribución final de postos, pero en último caso, a distribución poderá decidirse mediante sorteo.

O Concello resérvase a posibilidade de modificar a distribución dos postos por causas organizativas ou de seguridade.

8.- Desenvolvemento da feira

O Mercado mariñeiro enmárcase dentro da programación da Festa do Carme que organiza a concellería de Cultura. O mercado inclúese como unha das actividades ofertadas polo Concello de Sada para aportar contidos de interese ao programa de celebración festivo.

As persoas participantes disporán dun tempo para a montaxe das súas propias carpas e material. Para as tarefas de montaxe poderán acceder cos seus vehículos á zona de exposición e venda, no paseo marítimo portuario. Será por conta das persoas participantes a decoración dos postos, seguindo a temática mariñeira que é o motivo principal da celebración.

Cada posto disporá de acceso a un cadro de subministración eléctrica.

8.1.- Horarios

O Mercado Mariñeiro celebrarase nas datas do sábado 15 e o domingo 16 de xullo, dentro do marco das Festas do Carme de Sada e coas seguintes referencias:

- **MONTAXE:** sábado 15 a partires das 8:00h e con finalización ás 11:00h. As persoas participantes poderán chegar os seus vehículos ata a zona de montaxe, dentro do Paseo Marítimo. A organización indicará os espazos onde as persoas participantes poderán aparcar os seus vehículos unha vez finalizadas as tarefas de montaxe.
- **HORARIOS DE VENDA AO PÚBLICO:**
 - Sábado 15: de 11:00 a 22:00h
 - Domingo 16: de 11:00 a 22:00h
- **SEGURIDADE NOCTURNA:** o Concello ofrecerá un servizo de vixilancia na zona do mercado mariñeiro para garantir a seguridade dos postos de venda entre as 22:00h do sábado 15 de xullo e as 11:00h. do domingo 16 de xullo. A organización non se responsabilizará do contido dos postos fóra dese horario.
- **DESMONTAXE:** o domingo 16 de xullo a partires das 22:00h. As persoas participantes poderán chegar os seus vehículos ata a zona de desmontaxe, dentro do Paseo Marítimo.



NOTA: Cada participante deberá comprometerse a manter a actividade no seu posto durante o horario de venta ao público.

8.2.- Actividades

O mercado beneficiarase do programa de actividades das Festas do Carme, xa que todas as actividades e espectáculos programados durante a fin de semana aportarán unha ambientación positiva na área de organización do mercado. O programa de actividades mobilizará a presenza de públicos variados, dos que poderá beneficiarse secundariamente o mercado mariñeiro.

O contido do programa incluírá propostas como as seguintes:

- Pasarrúas de música tradicional
- Actuacións escénicas de rúa
- Concertos
- Misa mariñeira e procesión marítima (en colaboración coa Confraría de Pescadores de Sada)
- Sardiñada popular (en colaboración coa Confraría de Pescadores de Sada)
- Actividades lúdicas no porto (en colaboración coa Asociación Cultural Eres de Sada Si)

9.- Dereitos e obrigas das persoas participantes

- Participar no Mercado Mariñeiro, exercendo a venda ao público dos seus produtos artesanais.
- Dispoñer de toma de corrente ou de acceso a enchufe en cada un dos postos participantes.
- Respetar os horarios da feira (punto 7). No caso de choiva ou meteoroloxía adversa a organización será flexible cos horarios, previo acordo coas persoas participantes.
- Aportar unha carpa ou posto propio para montar un punto de venda decorado con estética mariñeira.
- A concellería ten en conta o esforzo de ambientación temática que se lle esixe ás persoas participantes. Considera que o mercado e as persoas que o compoñen forman parte do programa de actividades das Festas do Carme. Polo tanto, segundo o establecido no artigo 2.a) da Ordenanza núm. 16 reguladora da taxa por instalación de postos, barracas, casetas de venda, espectáculos ou atraccións situadas en terreo de uso público, industrias da rúa e ambulantes e rodaxes cinematográficos, enténdese que a participación nesta convocatoria de mercado non está suxeita a taxas, o cal deberá recollese nas bases reguladoras e aprobarse mediante resolución.

10.- Disposición final

A organización resérvase o dereito a dar por finalizada a actividade en calquera posto que non se adapte aos requisitos establecidos nesta convocatoria.

O envío da solicitude (Anexo I) supón o coñecemento e aceptación das presentes bases.

Sada, data da sinatura dixital
O Concelleiro de Cultura,

Marcos Villar López



Edificio municipal de uso administrativo
Avda. da Mariña, 25
15160 Sada (A Coruña)
Tfno.: 981 620 075 Fax.: 981 621 274
<https://sede.sada.gal>

ANEXO I: SOLICITUDE DE PARTICIPACIÓN NO MERCADO MARIÑEIRO 2023

NOME DO POSTO:	
NOME DA PERSOA TITULAR:	
DIRECCIÓN:	
CIF:	
DNI:	
DESCRICIÓN DOS PRODUTOS OFERTADOS:	
NECESIDADES ELÉCTRICAS	

DATOS DA PERSOA REPRESENTANTE:

NOME:	
DNI:	

SOLICITA

Participar no Mercado Mariñeiro que terá lugar nos vindeiros días 15 e 16 de xullo.

A persoa solicitante manifesta coñecer as Bases de participación e o compromiso de observalas así como a normativa á que debe axustarse a súa actividade.

Asdo.

En Sada, a de de 2023

* A esta solicitude deberá acompañarse da documentación requirida no punto 5 destas bases.



Edificio municipal de uso administrativo
Avda. da Mariña, 25
15160 Sada (A Coruña)
Tfno.: 981 620 075 Fax.: 981 621 274
<https://sede.sada.gal>

ANEXO II

ANEXO I: Criterios selección:

CRITERIOS DE SELECCIÓN MERCADO MARIÑEIRO
En primeiro lugar aplicarase o criterio de outorgar autorización a aquelas solicitantes con carta de artesán
En segundo lugar aplicarase o criterio da orde de entrada de rexistro das solicitudes
Excluíranse aquelas solicitudes que non cumpran os requisitos das bases